

## ՎԱՀԵ ԹՈՐՈՍՅԱՆ

Եվրոպական համալսարանի իրավագիտության ամբիոնի դասախոս,  
իրավաբանական գիտությունների թեկնածու

### **ԱՇԽԱՐՀԻԿ ԵՎ ՀՈԳԵՎՈՐ ԻՇԽԱՆՈՒԹՅՈՒՆՆԵՐԻ ԲԱԺՄԱՍԱՆ ՊԱՏՄԱԿԱՎԱԿԱՆ ԾԱՐԺԱՌԻԹՆԵՐԸ ՀՆԱԳՈՒՅՆ ԻՐԱՎՈՒՔԻ ՀՈՒՇԱՐՁԱՆՆԵՐԻ ԽՈՐԱՊԱՏԿԵՐՈՒՄ**

Հոդվածում ներկայացվում են աշխարհիկ պետության գաղափարի ակունքներում առանցքային նշանակություն ունեցող գործընթացի՝ աշխարհիկ և հոգևոր իշխանությունների տարածատման պատմահրավական նախադրյալները հնագույն իրավունքի հուշարձանների լույսի ներքո: Հետազոտության մեջ վեր են հանդում պատմական և իրավական այն նախապայմանները, որոնք հանգեցրին երկու ինքնուրույն ոլորտների սահմանագատմանը՝ դրանով իսկ նպաստելով արդի ժամանակների ժողովրդավարական պետությունների անկյունաքարը համարվող ֆենոմենի՝ աշխարհիկ պետության գաղափարի սկզբնավորմանը:

**Հիմնարարեր - աշխարհիկ պետություն, աշխարհիկ և հոգևոր իշխանությունների տարածաշատում, կրոնի ազատություն, իրավունքի հուշարձաններ:**

Մարդկության պատմության կարևորագույն նվաճումներից է աշխարհիկ պետության գաղափարը, որն իր մեջ անվիտելով այնպիսի հայեցակարգային առաջնահերթություններ, ինչպիսիք են՝ պետության և եկեղեցու տարածատումը, մտքի, խղճի և կրոնի ազատության երաշխավորումը, ներկայում առավելապես դիտարկվում է, որպես ժամանակակից աշխարհի զարգացման հիմնական ուղենիշներից մեկը: Թեև եզրույթն ինքնին, առավելապես, նոր ժամանակների ծնունդ է, սակայն նորա խորքում ընկած արժեքանությունն իր մեջ կրում է դարերի և հազարամյակների կնիքը: Հետևաբար, աշխարհիկ պետության գաղափարի իրավարնկալման և հետագա համապարփակ ուսումնասիրման համար հարկավոր է ամենից առաջ բացահայտել աշխարհիկ և հոգևոր իշխանությունների, ապա նաև պետության և եկեղեցու առանձնացման պատմահրավական շարժադիրները, դրանց ծագման ելակետերը և հետագա զարգացման ուղիները:

Հարկ է նշել, որ աշխարհիկ և հոգևոր իշխանությունների առանձնացումը մարդկության պատմության ամենառուշագրավ և բեկումնային իրադարձություններից մեկն է: Այն իրքը պատմական գործընթաց՝ հասունացած և որպույն կերպ ստացավ ժամանակի պահանջների հրամայականով, որոնք բխում էին արդյունավետ կառավարման և ներդաշնակ համակեցության անհրաժեշտությունից: Միամիտ լավատեսություն ցուցաբերած կլինենք, եթե փորձենք ստույգ արձանագրել այդ գործընթացի մեկնարկը կամ տեղորշել այն վայրը, որտեղ առաջին անգամ տեղի է ունեցել աշխարհիկ և հոգևոր ոլորտների դիխոտոմիան (երկարուղավորումը): Սակայն,

պատմահրավական դեպքերի և զարգացումների, ինչպես նաև դրանց էությունը և ընթացքը մեզ լուսաբանող իրավական հուշարձանների ուսումնասիրության շնորհիվ կարող ենք հստակ բացահայտել այն շարժադիրները և նախադրյալները, որոնք հանգեցրել են իշխան իրողությանը և այդպիսով բեկել պատմության զարգացման հունը: Այս առումով՝ հարկ է գիտնականի մանրախույզ լապտերով անցնել պատմության հեռավոր խորքերը՝ դեպի շումերական, հնդկական, բարելոնյան քաղաքակրթությունների հեռավոր ակունքները:

Հազորյան շրջանի հայտնի փաստերի համայիր վերլուծությունը քույլ է տալիս պնդել, որ սկզբնապես, հոգևոր և աշխարհիկ ոլորտները, միաձուլված լինելով մեկ իշխանության ներքո, ունեցել են իրենց քննորոշ գործառույթները և փոխադարձ կերպով ներազդել միմյանց վրա: Աշխարհիկ իշխանությունը, որպես կանոն, սրբազործվել է հոգևոր-կրոնական սահմանումներով, իսկ միապետը, տնօրինելով նաև հոգևոր ոլորտը, միաժամանակ, հանդես է եկել որպես հոգևոր առաջնորդ: Այն հանգանանքը, որ հնագույն Շումերում արքաները կրում էին Էնսի տիտղոսը, ցույց էր տալիս նրանց պատկանելությունը քրմական դասին, որից հետևում էր, որ արքան գերազույն քուրմն էր: Այս ժամանակներից էլ, հավամարար, սկսվում են թագավորական իշխանության աստվածային ծագման գաղափարները: Այդ տեղեկություններին մենք հանդիպում ենք քաղաքակրթությունների ձևակորման ժամանակներից մեզ ժամանգություն հասած իրավունքի աղբյուրներում:

Այս իմաստով, հարկ է ընդգծել, որ հնագույն

## ԱՐԴԱՐԱԴԱՏՈՒԹՅՈՒՆ

իրավական հուշարձաններում կան բազմաթիվ հիշատակություններ թագավորական իշխանության ծագման աստվածային հիմքերի մասին<sup>2</sup>: «Ա նշանակում է, որ Աստված համարվում էր իշխանության միակ աղբյուրը և նա էր միապետին վերապահում երկրային կառավարումը: Նման «միջամտությունը», անշուշտ, հեղինակություն էր հաղորդում Աստծո տեղապահ համարվող միապետին և աստվածային սահմանության ուժով առավել հաստատում դարձնում նրա կառավարման ընթացքը: Ավելին, իին աշխարհում միապետերն անգամ իրենց կենդանության օրոք էին նույնացվում Աստծո հետ: Անզիացի նշանակոր գիտնական Զ.Զ. Ֆրեզերն իր «Ուսկե ճյուղը» իմնարար աշխատության մեջ նշում է, որ սրբազն թագավորների հաստատությունը, ըստ Երևոյթին, առաջացել է մոգական հատկություններով օժտված անհատների դասակարգից, որոնք քաղաքական և սոցիալական մեծ ազդեցություն էին գործում հասարակության անդամների կեցության և առաջընթացի վրա: Այդ խավի ամենաօժտված անդամներն առաջարկվում էին պետության ղեկավարի պաշտոնում և վերածվում սրբազն թագավորների:

Հասարակական և պետական կյանքի զարգացմանը զուգահեռ պետության աստվածային քննույթով պայմանավորված գործառույթներն աստիճանաբար առավել աշխարհիկ ուղղվածություն են ստանում: Վաղ շրջանի իրավունքի հուշարձաններում էլ կարելի է գտնել պետության աշխարհիկացման որոշ տարրեր: Այդպիսի դրսուրումներ առկա են, օրինակ՝ Բարելոնի արքա Համսուրաբիի օրենսգրքում: Իրավական մեծ արժեք ունեցող Համսուրաբիի օրենսգիրը, թեև զերծ չէ աստվածների մասին իշխատակություններից և երկրի վրա նրանց անունից հանդես գալու, նրանց փառարանելու և ծառայելու խորհրդից, այդուհանդերձ, իր ներքին կառուցվածքով չունի այնպիսի կրոնական բովանդակություն, ինչպես, օրինակ՝ Սովուսի օրենքները (Հնգամատյանը): Հատկանշական է, որ Համսուրաբիի կառավարման շրջանում դատական գործառույթները ամբողջովին անցան աշխարհիկ դատարանների իրավասության ներքո՝ այդպիսով որոշակի սահմանազատում կատարելով հոգևոր և աշխարհիկ ոլորտների միջև: Նույնը կարելի է ասել նաև իր տեսակով խիստ ինքնատիպ խեթական իրավական հուշարձանների վերաբերյալ: Խեթական օրենսգիրը, որը կարգավորում է պետականական և հանրային կյանքի տարրեր ոլորտներին վերաբերող հարցեր առավելապես հանդիսանում է աշխարհիկ նորմերի համախումը: Ընդհանրապես խեթական իրավական միտքը ոչ միայն չունի կրոնական վառ արտահայտություն,

այլև թույլատրելով այլ ցեղերի կողմից կատարվող կրոնական երկրագործությունները, ըստ Էության, բովանդակում է կրոնական հանդուժողականության նորմեր:

Խոսելով վաղ շրջանում կրոնական այլակարծության՝ որպես հազվադեպ հանդիպող բացառիկ երևույթի մասին, չենք կարող շրջանցել Աքեմենյան տերության առաջնորդ Կյուրոս Սեծի բողած սեպագիր արձանագրությունը, որը հաճախ համարում են մարդու իրավունքների առաջին հոչակագիր<sup>6</sup>: Կավե այլուսի վրա գրված կանոնները, որոնք առավել հայտնի են որպես Կյուրոսի զլան, մեզ տալիս են այն ուշագրավ պատմահրավական տեղեկանքը, որ Բարելոնը գրավելուց և ստրուկներին ազատություն շնորհելուց հետո Կյուրոս Սեծը երկրում հաստատեց հավատքի ազատություն: Սա, ըստ Երևոյթին, աշխարհիկ պետության անկյունաքարը հանդիսացող դավանանքի ազատության մասին առաջին իշխատակումն է և դրա կենսագործման մասին վկայող փաստը: Նկատենք միայն, որ պետության աշխարհիկացման վերոնշյալ տարրերը բավարար չեն խոսելու հոգևոր և աշխարհիկ իշխանությունների առանձնացման մասին: Դրա հիմքում ընկած էին որոշակի օրենկույթի պատճառներ:

Ինչպես արդեն նշվեց, հնագույն թագավորները, որոնց հասարակությունն օժտել էր աստվածային հատկություններով, իրենց մեջ ամփոփում էին, միաժամանակ, աշխարհիկ և հոգևոր իշխանությունը: Տիրակալի այդ երևոյթական գերբնականությունը ոչ միայն նրա անձի հեղինակության աղբյուր էր, այլև հսկայական պատասխանատվություն պետության անխարար ընթացքի և հասարակության բարության համար: Փաստուն, միապետին օժտելով վերանայած կարողություններով՝ մարդիկ նրանից ակնկալում էին նույնային ջանապրություն պետությանը սպառնացող աղետների և փորձությունների չեզորացման համար: Հետևաբար, արքան դիտարկվում էր ամեն տեսակ պատուհանների և հաջողությունների սկզբնապատճառ և դրանով պայմանավորված կամ շարունակում էր կառավարել, կամ՝ տարաբնույթ մեթոդներով գահընկեց արկում: Հասարակությունը, իր անվտանգության պահպանման շահից ելեւով, պահանջում էր, որ արքան անվերապահուեն կատարի կրոնական արարողակարգով նախատեսված բոլոր պարտավորությունները, որոնք լայն հաշվով ընկած էին աշխարհի պահպանման հիմքում: Ի վերջո աշխարհիկ և հոգևոր այս ծանրաբենող սահմանափակումների և ծիսական արգելքների բեռի տակ, ինչպես նշում է Ֆրեզերը, միապետները վեր էին ածվում հույլ էակների, ճգնավորների, որոնց անզոր ձեռքերից

կառավարման սանձերը հեշտությամբ անցնում էին այն մարդկանց կառչուն ձեռքը, որոնք բավարարվում էին իրական իշխանությամբ՝ առանց բարձր տիտղոսի, բազմութական հին գահատիմերին մնում են զուտ կրոնական պարտականությունները, այն դեպքում, եթե աշխարհիկ դեկապարությունն անցնում է ավելի երիտասարդ և եռանդուն մարդկանց ձեռքը :

Ինչպես պարզորոշ նկատում ենք՝ աշխարհիկ և հոգևոր իշխանությունների առանձնացման անհրաժեշտությունը պատմության օրյեկտիվ զարգացման հետևանք էր, և, առաջին հերթին, ենթադրում էր երկու ինքնուրույն ոլորտների գործառույթների և իրավասության շրջանակների զատորոշում, առանց որի անհնար կլիներ ապահովել արդյունավետ և անցնցում կառավարումը: Այսպիսով, աշխարհիկ և հոգևոր իշխանության տրոհմանը սկիզբ է դրվում երկու առանձին հաստատությունների տևական փոխառնչություններին՝ դրանցից բխող համադրություններին և հակազդեցություններին:

Այնուհետև, աշխարհիկ և հոգևոր իշխանությունների բաժանման մոտեցումներ կարելի նկատել Հին կտակարանում՝ Մովսեսի և նրա եղբայր Ահարոնի գործառույթների սահմանազատման համատերաստում, որն իր ավարտին հասավ Մովսեսի կողմից դատական իշխանության հաստատման հետ զուգահեռ: Մեր դիտարկմամբ, աշխարհիկ և հոգևոր իշխանությունների առանձնացման յուրօրինակ արտահայտություն կարող է համարվել աստվածաշնչյան հայտնի միտքը. «Աստծոնը տվեք Աստծուն, Կեսարինը՝ Կեսարին (Մատթ. 22:21):»:

Հիշյալ բաժանումը որոշ այլաբանություններով հանդիպում ենք նաև ինն հնդկական իրավունքի հուշարձաններում: Մանուի օրենքներում կարդրում ենք. «Արևն առանձնացնում էր ցերեկը և գիշերը՝ մարդկայինն ու աստվածայինը...»: Այս փոխարերական միտքն իր արտահայտությունն է զունում կրոնական և իրավական բնույթի այլ ստեղծագործություններում: Հինդուիստական մտքի մեկ այլ եզակի նմուշ համարվող Արտհաշաստրա կամ թարգմանաբար՝ գիտություն օգուտի մասին օրենքների ժողովածուի տեքստում ևս նշմարվում է աշխարհիկ և հոգևոր իշխանությունների գործառութային տարանջատումը: Այստեղ հոգևոր դասը (բրահմա) գերակայող դիրք ուներ աշխարհիկի նկատմամբ: Ինչպես երևում է տեքստի բովանդակությունից արքայի խորհրդական քուրմը պետք է օժտված լիներ բարոյական բարձր որակներով, տիրապետեր կառավարման գիտությանը, իսկ արքան պարտավոր էր հետևել նրա խորհրդին, ինչպես աշակերտը՝ ուսուցչին, որդին՝ հորը, ծառան-

տիրոջ<sup>10</sup>: Հոգևոր դասի առավելությունը, սակայն, կրում էր սուկ խորհրդանշական բնույթ, և, ամենին, չեր նվազեցնում միապետի իրավասությունները կամ ստվերում նրա ազդեցությունը պետական քաղաքականության մշակման և իրականացման գործում: Առաջնահերթ պայման էր դիտարկում պետական շահը՝ հանուն որի կարելի է զանց առնել կրոնական կարգադրագրերից բխող ցանկացած պարտավորություն: Անշուշտ, սա նորից վկայում է մեր կողմից արդեն հիշատակված այն իրողության մասին, որ արքայի համար հոգևոր և աշխարհիկ գործառույթների միաժամանակյա մեկտեղումն ավելորդ անհարմարություններ էր ստեղծում արդյունավետ կառավարման համար, որից ստիպված էր նա իրաժարվել: Ինչպես, իրավացիորեն, նկատում է պրոֆեսոր Օ.Ե. Լեյստը, այդ կերպ արքայի գործունեությունը ձերբազատվում էր նրա ամեն քայլափոխը՝ կաշկանդող կրոնական հանձնարարականներից»:

Պետք է հստակ արձանագրել, որ աշխարհիկ և հոգևոր իշխանությունների տարանջատումը, թեև կանխորշում է նրանց ոլորտների սահմանազատումը, այդուամենայնիվ աշխարհիկ պետության առաջացման լրիվ պայման չէր կարող դիտարկվել: Այն կարևոր նախադրյալ էր ստեղծում, որպեսզի պետությունը չմիջամտի հոգևոր դասի գործերին և վերջինս էլ չծանրաբեռնի աշխարհիկ իշխանությունը կրոնական խնդիրներով: Սա, թերևս, այն հարաբերական կայունությունն էր, որի շնորհիվ կարելի էր հասնել ինչպես կառավարման արդյունավետության բարձրացման, այնպես էլ հանրային հոգևոր պահանջմունքների բավարարման: Հարաբերությունների այս հաշվեկշռուն, ինչպես հետագայում ցույց տվեց աշխարհիկ և հոգևոր ինստիտուտների առնչությունների փորձը, պարբերաբար խախտվեց՝ արտահայտվելով մերը մեկի, մերը մյուսի գերակայությամբ: Այդ գաղափարական, երբեմն նաև ռազմական բախումների և հակասությունների կիզակետում հայտնվեցին ինչպես քաղաքացիական, այնպես էլ կրոնական ճամբարի տեսարաններ և մտածողներ, որոնք փորձեցին հիմնավորել սեփական հայեցակետների ճշմարտացիությունը և դրանով, փաստորեն, հարատացրեցին գիտությունը, մշակույթը, հոգևոր կյանքը, կառավարման արվեստը և այլն: Վերջապես այդ հաշկադեցությունների արդյունքում ընդգծվեց մարդու բնական իրավունքների կարևորության գիտակցումը՝ ծնունդ տալով այնպիսի քաղաքակրթական ձեռքբերումների, ինչպիսիք են՝ խոհի և դավանանի ազատությունը և լայն հաշվով աշխարհիկ պետության գաղափարը:

- <sup>1</sup> Վ.Ա. Թորոսյան, Հայաստանի Հանրապետության որպես աշխարհիկ պետության սահմանադրափական բնութագիրը. տեսական-իրավական վերլուծություն, ԺԲ.00.02, աստենախոսություն, Երևան, 2018, էջ 179:
- <sup>2</sup> Տե՛ս, օրինակ, շումերա-աքաղական, հայկական, խեթական իրավունքի աղբյուրները, Ուր Նամով օրենքները (մ.թ.ա. 21-րդ դար), Համմուրաբիի օրենքները (մ.թ.ա. 18-րդ դար), Սովետի օրենքները: Պ. Օ. Ավակյան, Պ.Պ. Ավակյան, Իстоки армянской правовой мысли: от Аратты, шумерской цивилизации до падения Ааратского (Урартского) царства.- Ер.: Ереванский ун-т “Манц”, 2008, С. 856.
- <sup>3</sup> Տե՛ս, Զ.Զ. Ֆրեզեր, Ուկե ճյուղը. Մոգության և կրոնի ուսումնասիրություն, խմբ. Ռ.Ա. Այվազյան- Եր.: Հայաստան, 1989, էջեր 129-130:
- <sup>4</sup> Տե՛ս, Պ.Օ. Ավակյան, Պ.Պ. Ավակյան, Իстоки армянской правовой мысли: от Аратты, шумерской цивилизации до падения Ааратского (Урартского) царства.- Ер.: Ереванский ун-т “Манц”, 2008. С. 314-351.
- <sup>5</sup> Պ.Օ. Ավակյան, Պ.Պ. Ավակյան, Իстоки армянской правовой мысли: от Аратты, шумерской цивилизации до падения Ааратского (Урартского) царства.- Ер.: Ереванский ун-т “Манц”, 2008. С. 473.
- <sup>6</sup> Տե՛ս, J.B. Pritchard, Ancient Near Eastern Texts Relating to the Old Testament, Princeton University Press, 3rd Revised edition, 1969, p. 315-316:
- <sup>7</sup> Տե՛ս, Զ.Զ. Ֆրեզեր, Ուկե ճյուղը. Մոգության և կրոնի ուսումնասիրություն, խմբ. Ռ.Ա. Այվազյան- Եր.: Հայաստան, 1989, էջեր 212-216:
- <sup>8</sup> Տե՛ս, Ռ.Ա. Պապյան, Արդի իրավունքի քրիստոնեական ակունքները, գիտ. խմբ.՝ Գ.Գ. Հարությունյան, Էջմիածին, 2002, էջեր 380-381: Տե՛ս նաև, Ռ.Գ. Պետրոսյան, Իրավունքի և օրենքի, դատարանի և արդարադատության աստվածաշնչյան հիմունքները,- Եր.: Ուկան Երևանցի, 2008, էջ 30:
- <sup>9</sup> Տե՛ս, Զаконы Ману, пер. С.Д. Эльманович, М.: Изд-во ЭКСМО-Пресс, 2002, стр. 27.
- <sup>10</sup> Տե՛ս, Արքանատրա или Наука политики Пер. ссанскрита; Изд. подгот. В.И. Кальянов; - М.Л.: Издательство Академии наук СССР, 1959, С. 25.
- <sup>11</sup> Տե՛ս, История политических и правовых учений. Учебник для вузов /Под редакцией д. ю. н., профессора О.Э. Лейста. М.: Издательство “Зерцало”, 2006, С. 17.

***Օգտագործված գրականության ցանկ***

1. Վ. Ա. Թորոսյան, Հայաստանի Հանրապետության որպես աշխարհիկ պետության սահմանադրափական բնութագիրը. տեսական-իրավական վերլուծություն, ԺԲ.00.02, աստենախոսություն, Երևան, 2018:
2. Զ.Զ. Ֆրեզեր, Ուկե ճյուղը. Մոգության և կրոնի ուսումնասիրություն, խմբ. Ռ.Ա. Այվազյան- Եր.: Հայաստան, 1989:
3. Ռ.Ա. Պապյան, Արդի իրավունքի քրիստոնեական ակունքները, գիտ. խմբ.՝ Գ.Գ. Հարությունյան, Էջմիածին, 2002:
4. Ռ.Գ. Պետրոսյան, Իրավունքի և օրենքի, դատարանի և արդարադատության աստվածաշնչյան հիմունքները,- Եր.: Ուկան Երևանցի, 2008:
5. Պ.Օ. Ավակյան, Պ.Պ. Ավակյան, Իстоки армянской правовой мысли: от Аратты, шумерской цивилизации до падения Ааратского (Урартского) царства.- Ер.: Ереванский ун-т, “Манц”, 2008.
6. История политических и правовых учений. Учебник для вузов / Под редакцией докт. юрид. наук, профессора О. Э. Лейста. М.: Издательство “Зерцало”, 2006.
7. Արքանատրա или Наука политики/ Пер. ссанскрита; Изд. подгот. В.И. Кальянов; - М.Л.: Издательство Академии наук СССР, 1959.
8. Законы Ману, пер. С. Д. Эльманович, М.: Изд-во ЭКСМО-Пресс, 2002.
9. J. B. Pritchard, Ancient Near Eastern Texts Relating to the Old Testament, Princeton University Press, 3rd Revised edition, 1969.

Ваге Торосян

Преподаватель юридического факультета Европейского университета,  
кандидат юридических наук

РЕЗЮМЕ

*Историко-правовые мотивы в разделении светской и духовной власти  
в контексте памятников древнего права*

В статье представлены историко-правовые предпосылки процесса решающей важности - разъединения светских и духовных властей в истоках идеи светского государства в свете памятников древнего права. Исследование раскрывает исторические и правовые предусловия, которые привели к разделению двух независимых сфер, способствуя тем самым формированию идеи феномена - светского государства, которое является красногольным камнем демократических государств в современную эпоху.

**Ключевые слова:** светское государство; разъединение светских и духовных властей; свобода религии; памятники права.

Vahe Torosyan

Lecturer of the Department of Law at European University,  
PhD in Law

SUMMARY

*Historical and legal motivations of secular and spiritual authorities  
in the context of monuments of ancient law*

The article presents the historical and legal prerequisites of the process of crucial importance - the separation of secular and spiritual authorities in the origins of the idea of a secular state in the light of the monuments of ancient law. The research reveals the historical and legal preconditions that led to the separation of two independent spheres, thereby contributing to the formation of the idea of the phenomenon - a secular state, which is the cornerstone of democratic states in modern age.

**Key words:** secular state; separation of secular and spiritual authorities; freedom of religion; monuments of law.

Բնագիրը ներկայացվել է 09.05.2019թ.

Ընդունվել է տպագրության 09.07.2019թ.

Հոդվածը երաշխավորել է տպագրության իրավաբանական գիտությունների  
թեկնածու Դ.Գ.Մարգարյանը